

Isnin, Apr 02 2018



[FOTO NUR ADIBAH AHMAD IZAM/BH]

Johari bersama Affendi (dua dari kanan) dan Hartini (dua dari kiri) memotong kek pada pelancaran kempen Pemantapan Hati Wanita Women Quran Hour di Kampung Padang, Kampung Baru, semalam.

PROGRAM PEMANTAPAN HATI WANITA 2018 #QURAN HOUR

BH 2/4

Program galak masyarakat hayati, fahami kitab suci

➔ Lebih 3,000 golongan hawa sekitar ibu kota sertai kempen anjuran Koop Soho Wanita Kuala Lumpur

Oleh Fatin Hafizah Mohd Shahr
fatin@bh.com.my

► Kuala Lumpur

Dianggarkan lebih 3,000 wanita sekitar ibu kota menyertai Program Pemantapan Hati Wanita 2018 #Quran Hour secara berkumpulan dan individu sebagai sokongan dalam usaha meng-

hayati panduan hidup yang ditetapkan menerusi kitab suci itu.

Kempen dianjurkan Koop Soho Wanita Kuala Lumpur; bertujuan menggalakkan lebih ramai peserta dalam kalangan wanita membaca, memahami dan mengamalkan ajaran yang terkandung di dalamnya.

Pengerusi Koop Soho Wanita Kuala Lumpur Sdn Bhd, Datin Hartini Abdul Ghani, berkata pada program itu semua digalak meluangkan masa sekurang-kurangnya satu jam sehari untuk membaca dan menghayati pengajaran yang hendak disampaikan.

Program berskala besar ini kata beliau, antara inisiatif pihaknya untuk menggalakkan penyertaan masyarakat mendekati kitab suci itu sebagai panduan hidup.

“Usaha ini juga membantu memudahkan umat Islam supaya lebih memahami dan membacanya sepanjang tahun

melalui aktiviti dijalankan sepanjang kempen berlangsung,” katanya.

Kempen dilancarkan di Kampung Padang, Kampung Baru, di sini, semalam itu disempurnakan majlis perasmianya oleh Menteri Kewangan 2, Datuk Seri Johari Ghani.

Peluang kunjungi 30 Rumah Ngaji

Yang turut hadir, Pengerusi Perbadanan Pembangunan Kampung Baru (PKB), Datuk Affendi Zahari; Pegawai Turus Amanita Kontijen Kuala Lumpur; ACP Latt Mazura Mansor; Ketua Wanita Bahagian Titiwangsa, Mar Daing Matruk.

Hartini berkata, bagi wanita yang tidak lancar membaca al-Quran, mereka berpeluang mempelajarinya dengan mengunjungi kira-kira 30 Rumah Ngaji diusahakan Koop Soho Wanita Kuala Lumpur.

“Rumah itu mendapat sambutan menggalakkan, termasuk

daripada individu, pelajar dan komuniti bahkan di luar negara melalui perkongsian menerusi laman sosial masing-masing,” katanya.

Sementara itu, suri rumah, Azlinda Abdul Hamid, berkata pengalaman menyertai program itu memberi peluang kepada beliau dan empat anaknya meningkatkan kemahiran membaca al-Quran.

Aktiviti sebegini juga katanya, menjadi aktiviti mereka sekeluarga mengikut jadual ditetapkan. Kemudahan sama juga dimanfaatkan warga kota untuk mendalami pengertian yang terkandung dalam kitab suci ini.

Selain itu, wakil Persatuan Keluarga Polis (PERKEP) Kuala Lumpur, Masliza Saim, berkata program memartabatkan wanita dalam meningkatkan kecekapan membaca al-Quran ini perlu diteruskan kerana kemahiran itu boleh dikongsi bersama ahli keluarga.

